



AANKONDIGINGE EN GEMEENTENUUS

SONDAG 8 NOVEMBER 2020

DRIE EN TWINTIGSTE SONDAG IN KONINKRYKSTYD

GEMEENTE DAGBOEK

GEBEDSONDERWERP VIR DIE WEEK
Jongmense wat Belydenis van Geloof aflê

LEESROOSTERTEKSTE VIR DIE WEEK

RIGTERS 4:1-7

PSALM 123

1 TESSALONISENSE 5:1-11

MATTEUS 25:14-30

SONDAG, 8 NOVEMBER

09:00 Oggenddiens: ds Chris Barnardo
BELYDENISAFLEGGING

Geen Aanddiens

MAANDAG, 9 NOVEMBER

19:00 Sportmanne Bybelstudie – byeenkoms in Konsistorie
19:00 Vrouelidmate Bybelstudie – byeenkoms in Moederskamer

DINSDAG, 10 NOVEMBER

09:30 Senior burger Bybelstudiegroep
Kooroefening - **Geen**

WOENSDAG, 11 NOVEMBER

09:30 Vroue Bybelstudie – byeenkoms in Konsistorie
09:30 Othello Bybelstudie
10:00 Uitvoerende Kommissie - vergadering in die Moederskamer

DONDERDAG, 12 NOVEMBER

09:00 Dienssentrum vir Seniors – Moedergemeente Kerksaal
10:00 Survivor groep - byeenkoms in Konsistorie
15:00 Openbaring Bybelstudie

Sopkombuis: Anita le Roux, Mariana van Schalkwyk, Marietjie Mostert, Magdalena Voigt,
Ronelda Visser, Sarie Terblanche

VRYDAG, 13 NOVEMBER

09:30 Gebedsbyeenkoms in Konsistorie – almal welkom

SATERDAG, 14 NOVEMBER

SONDAG, 15 NOVEMBER

VIER EN TWINTIGSTE SONDAG IN KONINKRYKSTYD
BIDDAG VIR BESKERMINGSDIENSTE

09:00 Oggenddiens
Doop

Kontak Kerkkantoor om plek te bespreek.
Protokolle sal gevolg word.

Geen Aanddiens

VAN ALLES EN NOG WAT

1. Ons benodig enige grootte glasflessie of potjie om produkte in te lê. Dit kan Dinsdae oggende by die Drop & Go of by die kerkkantoor gedurende die week afgegee word.
2. Indien jy enige wol het wat jy kan skenk vir die brei van mussies, truitjies, serpies, ens, kan jy dit op Dinsdae oggende by die Drop & Go of by die kerkkantoor gedurende die week afgee.
3. Lidmate is steeds welkom om enige tweedehandse klere, beddegoed, ens. na die kerk te bring vir die klerebank. Boeke en tydskrifte word ook benodig.
4. Ds Hannes Burger is tot komende Maandag met verlof. Hy verkondig die Woord komende Sondag by Digtebij Gemeente.

EREDIENSTE

BAIE BELANGRIK!!! Bywoningsgetalle word beperk tot 250. Almal wat die diens wil bywoon moet dus **elke week** hul naam op die lys by die kerkkantoor plaas. Besoek hulle of kontak hulle telefonies by 021 903 3818 gedurende kantoorure.

SENIOR KATEGETE GESOEK

Daar is 'n tekort aan Senior Kategete vir 2021 en ons doen 'n beroep vir persone om klas te gee vir 'n jaargroep. Kontak asb vir Elaine Smith by 0846244672.

GEMEENTENUUS

1. Martie Joubert (Othello) was die afgelope week in die hospitaal vir mediese toetse.
2. Elaine Smith (Franckestraat) ondergaan in die komende week 'n operasie.

VERJAARSDAE VIR DIE WEEK

- 8/11 Janeke Kleinhans, Jan van der Merwe, Zita Erasmus, Marietjie Basson,
Petro van den Heever, Alida Burger
- 9/11 Joos Ras, Brian Donaldson
- 10/11 Carine Botes, Johann van Niekerk, Jacques Odendal, Gerhard Roux,
Almarette Swart, Pieter Streicher
- 11/11 Alet Marais, Albie Lintvelt, Peter Abrahams, Ina Laubscher
- 12/11 Maggie Visagie, Joanita Theron, Anja le Roux, Marnel Truter, Hanlie du Plessis
- 13/11 Martel Coetzee, André Warwick, Chris van Niekerk, Ingrid Grundling
- 14/11 Oden Scott, Bianca Vosloo

TIENDE MAAND DANKOFFER

Baie dankie aan almal wat reeds hul dankoffer gegee het. Die bedrag van R226 045 is reeds ontvang. Koeverte kan steeds enige Sondag in die kollekte mandjie geplaas word. Bydraes kan ook per EFT of Snapscan gegee word. Gebruik verwysing 10de Dankoffer.

HUIS DE KUILEN

Aangesien Huis De Kuilen se jaarlikse basaar vanweë Covid-19 afgestel is, is besluit om op 'n kleiner skaal 'n **DEURLOOP STRAATMARK** te hou op Saterdag 28 November 2020 om 09:00.

Hulle benodig nog hulp by die worsrolle tafel, in besonder die volgende:
- rolletjies, souse, wors, sakkies vir worsrolle, *charcoal* of hout, servette of kontant.

Kontak hulle by 021 903 7055 indien jy wil help of iets wil skenk.

Die Kuilsrivier Dienssentrum is opsoek na iemand om droë koekies te bak vir verkope by Huis de Kuilen se straatmarkie die 28ste November 2020. Enige iemand wat dalk kan help met befondsing, bestanddele of koekies sal opreg waardeer word. Skakel vir Jolanda Smith by 021 903 7055 / 083 327 9556.

BYBELS

Tydens Pinkster is die bedrag van R15 545 ontvang. Ons sê weereens baie dankie aan almal wat bygedra het. Soos in die verlede is donasies gemaak aan Die Bybelgenootskap van Suid Afrika en die Gideons. Ons het ook weer Afrikaans, Engels en Xhosa Bybels aangekoop om in die gemeenskap te verspei. As jy weet van 'n huishulp, tuinier, karwag, petroljoggie, ens wat graag 'n Bybels sal wil ontvang, kom haal gerus een by die kerkkantoor. Maksimum 2 Bybels per lidmaat

VROUEOGGEND – ALTA DU TOIT NASORG

Alta du Toit Nasorg, Bellville, bied op Saterdag 28 November 2020 om 09:30 'n VROUEOGGEND aan by Goedgeleeven, Durbanville.

Die gaskunstenaars is Dowwe Dolla en Leah. Kaartjies teen R295 per persoon is beskikbaar by marina@altadutoit.org.za

CHRISTELIKE AFHANKLIKHEIDSDIENS

Byeenkoms Maandagaande om 18:45 in die voorportaal van die aanbiddingsruimte van NGK Kuilsrivier-Suid. Ontmoet vir Ursula de Wet as gasvrou daar. Kontak haar vir enige navrae by 083 235 3933.

DE EIKE SE “DROP & GO” – PROJEK

Die Drop & Go Projek gaan steeds voort met die insameling van kos vir die koskas waaruit kospakkies aan behoeftige gesinne verskaf word.

Die volgende produkte se voorraad is tans baie laag: Koffie, Suiker en toiletware.

Kontak die kerkkantoor of Piet Rootman by 0823750259 vir verdere inligting.

AKSIE SAMARITAAN



Die sopkombuis is gesluit vanaf 16 Desember 2020 tot 11 Januarie 2021. Dit is 'n lang tyd om sonder kos te wees vir die haweloses wat daaglik afhanklik is van die sopkombuis om in hulle kosnood te voorsien. Ons probeer elke jaar om tydens ons afsluiting 'n basiese kospakkie aan ons kliënte te voorsien om hulle by te staan gedurende hierdie tyd. Ons begroot vir 100 kospakkies, maar daarvoor het ons julle hulp nodig. Die koste van 'n kospakkie beloop R600. Daar is dan twee opsies beskikbaar hoe jy 'n hawelose dan borg. Jy kan kontant skenk of jy kan self die kospakkie opmaak uit die onderstaande lys wat verskaf word. Groepe kan ook saam een of twee haweloses borg.

Kleiner finansiële bydraes is ook welkom. Betaal dit in by die kerkkantoor. Die totale bedrag ontvang sal dan oorbetal word.

Die afsluiting word gehou op 16 Desember 2020. Die sperdatum vir kospakkies of gelde is Vrydag 11 Desember 2020.

Indien jy bereid is om 'n hawelose te borg kontak gerus vir Jacomina Swart by 0824533862 vir verdere besonderhede.

Mag die Here jou bereidwilligheid en diensbaarheid seën.

LYS VAN ITEMS IN KOSPAKKIE:

2kg Rys	2.5kg Suiker	1 pak Macaroni	1 pak Sopmengsel	500g Koffie
1kg Mieliemeel	450g Weetbix	1 pakkie(25) Teesakkies		500ml Olie
1 pakkie Cremora	1 boksie Cup-a-soup	2 blikkies Bullybeef		Sout
2 blikkies Sardientjies	2 blikkies Gemengde Groente	2 blikkies Baked Beans		
1 pakkie Koekies	1 groot pak Chips	1kg Koekmeel	5 pakkies 2min Noodles	
1 bottel aanmaak Koeldrank	2 boksies Soja maalvleis		1kg Waspoeier	



WYNVEILING

Wynveiling – 19 November 2020

Met die verslapping van die inperkingsbevele, hou ons DV op 19 November 2020 die **Kosie Steenkamp-gedenkwynveiling** by Kaapzicht.

Kaartjies @ R200pp is by die Kerkkantoor beskikbaar.



**KOSIE
STEENKAMP
GEDENKWYN**

750ml R500

Magnum R1500

PROTEAHOOGTE GEMEENTE

KERSMARK
NG Gemeente Proteahogte
Heuwelstraat 75, Protea Hoogte, Brackenfell
30 NOVEMBER - 12 DESEMBER 2020

★ Daar gaan weer heerlike wegneemetes verkoop word vanuit ons kombuis.

★ Verskeidenheid oulike kersgeskenke, lekker eetgoed en nog baie meer....

MAANDAG tot VRYDAG
10:00 - 20:00
SATERDAG
09:30-15:00

NAVRAE:
kersmarkph@gmail.com

NG Gemeente
Proteahogte
www.proteahogte.co.za

NUUS OOR DIE NUWE BYBELVERTALING

Die Bybelgenootskap van Suid-Afrika stel met trots die nuwe Afrikaanse vertaling van die Bybel bekend.

Die Bybel: 2020-vertaling, is die jongste, mees relevante Afrikaanse vertaling wat saamgestel is uit die nuutste beskikbare brontekste. Die vertaling streef daarna om lesers te laat voel of die Bybelskrywers van ouds in hul eie woorde self die wonderlike liefdesverhaal van God en die mens aan hulle oordra. Terselfdertyd is die teks in vloeiende, idiomatiese Afrikaans geskryf, met omvattende, beskrywende voetnote.

Die Bybel word amptelik op 29 November 2020 in Bloemfontein bekendgestel, maar kan egter reeds direk by die Bybelgenootskap verkry word. Die Bybels is in die volgende bindstyle en uitgawes beskikbaar:

AFRIKAANS 2020-vertaling, volledige Bybel, mediumgrootte, swart hardeband teen R129.00

AFRIKAANS 2020-vertaling, volledige Bybel, mediumgrootte, luukse bruin verwerkte leeromslag, goud-op-snee, duimindeks teen R329.00

Die nuwe vertaling is ongelukkig nog nie in grootdruk beskikbaar nie. Dit sal eers in die loop van 2021 beskikbaar wees.

Vir meer inligting oor *Die Bybel: 2020-vertaling* besoek gerus www.bybeldirektevertaling.co.za.

Om jou eksemplaar van hierdie nuwe Afrikaanse Bybel te koop, stuur 'n e-pos aan sales@biblesociety.co.za of besoek die aanlynwinkel.

Bestellings kan ook by die kerkkantoor geplaas word. Ons sal dan een groot bestelling plaas en sodoende spaar op afleweringkoste.

Sperdatum vir bestellings is Dinsdag 17 November 2020.

KERSVIDEO : 22 NOVEMBER 2020 : 09:00

Met die inperking vanjaar, én die gevolg dat ons eers nie toegelaat is om eredienste in die kerkgebou te hou nie, het ons deurgedruk met my voorstel dat daar vanjaar 'n kersvideo gemaak word. Dit impliseer darem dat 250 gemeentelede dit ín die kerkgebou kan bywoon én dat dit op die web geplaas kan word vir enige ander persoon wat graag daarná wil kyk.

Ons vertoon die video om 09:00 op Sondag 22 November in die kerk. (Ds Hannes Burger sal verder 'n gewone erediens-boodskap ook op die web laat plaas waarná julle dan later kan luister.) As jy graag die geleentheid wil bywoon, maak seker dat jy bespreek vir die "oggenddiens".

Aanvanklik was die idee dat 'n groepie akteurs net sit en kersverhale vertel, wat ons dan ook sou verfilm. Die video bestaan egter nou uit tjellospel, kerkkoorsang, die kersverhale, orrel- en klavierspel. Die snit waar die gemeente verlede jaar saam met my suster "O, ek glo!" gesing het, is ook ingesluit in die video.

Anna van Wyk en haar man gaan weer die kerkgebou versier en Hester en Jannie Carstens gaan weer die kerstoneel in die voorportaal opstel.

Dit beloop om regtig 'n pragtige geleentheid te wees wat gebore is in die abnormale 2020-jaar wat ons beleef. Bespreek asb jou plek betyds om teleurstelling te voorkom. Bring asb soos gewoonlik 'n kers en 'n blaker saam vir die Stille Nag.

Kersgroete!

René Ferreira
Orrelis

www.Churchwide-Int'l.com



TEMA: ONTHOU, HERINNER, HER-TOEWYDING

Prediker: Ds Chris Barnardo

Skriflesing: Josua 24: 14 – 25

Lofsang: Lied 215: 1-5

Uitstuurlied-Gebed: Lied 266

1. **Inleiding.** Hierdie jaar sal altyd onthou word as die jaar van uitdagings, geleenthede en verleenthede. Dit is 'n jaar met gebeure waaraan ons vir baie lank aan herinner gaan word. Eendag sal ons terugkyk op ons lewenspaai en 2020 sal uitstaan as die jaar waarna ons gaan verwys met: “Kan jul nog vir COVID-19 onthou?” Josua neem die Israeliete ook op 'n verkenningstog van hulle verlede, en hulle onthou.
2. **Onthou.** Hulle onthou die rolmodelle en helde van hulle verlede. Hulle onthou al die ontberinge in die woestyn. Daar by die Jordaan neem Josua hulle op 'n reis deur die verlede en hulle onthou. Maar Josua gaan vêrder. Hy herinner hulle.
3. **Herinner.** Josua herinner die mense aan **DIE** belangrikste deel van hulle verlede, hede en toekoms. Josua herinner die mense aan die goue draad wat vervleg is met hulle bestaan. Daardie goue draad is God se bemoeienis met mense. Josua herinner die mense aan God se teenwoordigheid in hulle lewens. Josua herinner die mense aan God se beloftes. God wat sorg en voorsien. God wat beskerm en vertroos. God se alomteenwoordigheid in alle omstandighede.
4. **Her-toewyding.** Wanneer ons God se beloftes onthou en herinner word aan die Here se teenwoordigheid in ons lewens en hoe dinge tot vandag uitgedraai het, word ons lewens met HOOP gevul. Her-toewyding is maklik waar daar hoop vir die hede en die toekoms is. Om die verlede te onthou beteken om te erken dat ons lewensreis net genade is, en dat ons oorlewing net 'n geskenk van die Here af is. Daardie genade-geskenk, die geskenk van God se teenwoordigheid roep ons en daag ons uit, om net soos Josua en sy mense in her-toewyding voor die Here te staan. Om ons lewens weer en weer vir die Here in oorgawe te gee.

ONTHOU – HERINNER – HER-TOEWYDING